



Javno preduzeće
ELEKTROPRIVREDA BOSNE I HERCEGOVINE
d.d. - Sarajevo

Na osnovu Odluke Nadzornog odbora Javnog preduzeća Elektroprivreda Bosne i Hercegovine d.d. - Sarajevo o poništavanju Javnog konkursa za izbor članova Odbora za reviziju Javnog preduzeća Elektroprivreda Bosne i Hercegovine d.d. - Sarajevo, broj: NO-13501/24-30/13.1. od 29.04.2024. godine, Javno preduzeće Elektroprivreda Bosne i Hercegovine d.d. - Sarajevo objavljuje

OBAVJEŠTENJE O PONIŠTAVANJU

Javnog konkursa za izbor članova Odbora za reviziju Javnog preduzeća Elektroprivreda Bosne i Hercegovine d.d. - Sarajevo

Poništava se Javni konkurs za izbor članova Odbora za reviziju Javnog preduzeća Elektroprivreda Bosne i Hercegovine d.d. - Sarajevo objavljen dana 01.04.2024. godine u dnevnim novinama „Dnevni avaz“ i na web stranici Društva.

Istovremeno, na osnovu Odluke Nadzornog odbora Javnog preduzeća Elektroprivreda Bosne i Hercegovine d.d. - Sarajevo o raspisivanju Javnog konkursa za izbor članova Odbora za reviziju Javnog preduzeća Elektroprivreda Bosne i Hercegovine d.d. - Sarajevo, broj: NO-13501/24-30/13.2. od 29.04.2024. godine, Javno preduzeće Elektroprivreda Bosne i Hercegovine d.d. - Sarajevo, raspisuje:

JAVNI KONKURS za izbor članova Odbora za reviziju Javnog preduzeća Elektroprivreda Bosne i Hercegovine d.d. - Sarajevo

I. Nadzorni odbor Javnog preduzeća Elektroprivreda Bosne i Hercegovine d.d. - Sarajevo raspisuje Javni konkurs za izbor članova Odbora za reviziju Javnog preduzeća Elektroprivreda Bosne i Hercegovine d.d. - Sarajevo.

Nadzorni odbor vrši izbor kandidata Odbora za reviziju i podnosi prijedlog za njihovo imenovanje Skupštini Društva.

U Odbor za reviziju JP Elektroprivreda BiH d.d. - Sarajevo biraju se 3 (tri) člana na period od 4 (četiri) godine.

II. Obaveze i odgovornosti Odbora za reviziju:

- imenuje vanjskog revizora;
- imenuje Direktora Odjela za internu reviziju na osnovu javnog konkursa za izbor tehnički najbolje kvalifikovanog kandidata, ukoliko Ured za reviziju institucija u Federaciji BiH nije upoznao JP Elektroprivreda BiH d.d. - Sarajevo sa svojom namjerom da izvrši imenovanje;
- vrši reviziju godišnjeg i polugodišnjeg obračuna i istovremeno kontrolu usklađenosti poslovanja JP Elektroprivreda BiH d.d. - Sarajevo i funkcionisanja organa JP Elektroprivreda BiH d.d. - Sarajevo sa zakonom, drugim relevantnim propisima i osnovnim principima korporativnog upravljanja i o tome dostavlja izvještaj Skupštini i Nadzornom odboru;
- obavlja poslove revizije u zavisnim društvima s kojima JP Elektroprivreda BiH d.d. - Sarajevo ima zaključene ugovore o vođenju poslova, a po potrebi i u drugim zavisnim i povezanim društvima;
- razmatra Godišnju strategiju rizika i Plan revizije i u slučaju kad je Generalni revizor imenovao Direktora Odjela za internu reviziju JP Elektroprivreda BiH d.d. - Sarajevo postiče sporazum sa Generalnim revizorom Federacije BiH po pitanju obrade;
- osigurava da Odjel za internu reviziju izvrši svoj posao, u skladu sa Planom revizije;
- osigurava da interne kontrole iz njegove nadležnosti, u JP Elektroprivreda BiH d.d. - Sarajevo budu adekvatne i da funkcionišu kako je predviđeno;
- podnosi Nadzornom odboru sažete mjesečne izvještaje o svojim aktivnostima;
- konsultuje se sa Generalnim revizorom Federacije BiH u pogledu izbora nezavisne revizorske organizacije, kako bi izvršili stručno unutrašnje strukovno ocjenjivanje Odjela za internu reviziju svake treće godine, a po potrebi i ranije;
- osigurava da Odjel za internu reviziju obavlja svoje obaveze u skladu sa međunarodnim revizorskim standardima;
- donosi Poslovnik o radu Odbora za reviziju;
- prati obim i rezultate vanjske revizije i istu usmjerava;
- ukazuje na rizike koji bi eventualno mogli utjecati na uspješnost poslovanja Javnog preduzeća Elektroprivreda BiH d.d. - Sarajevo;
- prati poštivanje standarda upravljanja JP Elektroprivreda BiH d.d. - Sarajevo i o svojim zapažanjima obavještava upravu JP Elektroprivreda BiH d.d. - Sarajevo, a po potrebi i Nadzorni odbor;
- predlaže mjere u cilju smanjivanja finansijskih i drugih rizika i
- drugi poslovi u skladu sa Zakonom o računovodstvu i reviziji u Federaciji BiH (“Službene novine FBiH” broj 15/2021), drugim propisima, Statutom JP Elektroprivreda BiH d.d. - Sarajevo i drugim aktima JP Elektroprivreda BiH d.d. - Sarajevo.

III. Kandidati treba da ispunjavaju sljedeće uslove:

1. da su državljani Bosne i Hercegovine;
2. da imaju diplomu visokog obrazovanja prvog ciklusa (koja se vrednuje sa najmanje 240 ECTS studijskih bodova) ili drugog ili trećeg ciklusa Bolonjskog sistema studiranja, odnosno diplomu VII stepena stručne spreme, ekonomske ili pravne struke;
3. da imaju 5 (pet) godina radnog iskustva na finansijsko – računovodstvenim poslovima ili poslovima revizije ili finansijske kontrole ili poslovima planiranja i analize ili pravnim poslovima iz oblasti privrednog prava (za kandidate pravne struke);
4. da kandidati ekonomske struke posjeduju zvanje ovlaštenog revizora;
5. da posjeduju stručna znanja vezana za nadležnosti i rad Odbora za reviziju i način rada organa upravljanja privrednih društava;

6. da nisu osuđivani za krivično djelo i za prekršaj nespojiv sa dužnostima člana Odbora za reviziju, 5 (pet) godina od dana pravosnažnosti presude, isključujući vrijeme zatvorske kazne;
7. da nisu lica kojima je pravosnažnom sudskom odlukom zabranjeno obavljanje aktivnosti iz nadležnosti Odbora za reviziju;
8. da nisu na funkciji u političkoj stranci;
9. da nisu članovi Nadzornog odbora, Uprave ili radnici JP Elektroprivreda BiH d.d. - Sarajevo i njenih zavisnih i povezanih društava;
10. da nemaju direktni ili indirektni finansijski ili drugi interes u JP Elektroprivreda BiH d.d. - Sarajevo i njenim zavisnim i povezanim društvima;
11. da nisu na bilo koji način povezani sa direktnim ili indirektnim konkurentom JP Elektroprivreda BiH d.d. - Sarajevo i njenih zavisnih i povezanih društava;
12. da nisu zaposleni i da nisu angažovani na bilo koji način u institucijama, organima uprave i privrednim subjektima koji vrše poslove kontrole i revizije poslovanja JP Elektroprivreda BiH d.d. - Sarajevo i njenih zavisnih i povezanih društava.

IV. Kao dokaz o ispunjavanju uslova iz Konkursa, kandidati su dužni, u originalu ili ovjerenjnoj kopiji, priložiti sljedeću dokumentaciju:

- potpisanu prijavu na Konkurs,
- potpisanu biografiju (CV),
- uvjerenje o državljanstvu (ukoliko na obrascu nema naznake da je bez roka važenja, isti ne može biti stariji od 6 mjeseci),
- diplomu visokog obrazovanja prvog ciklusa (koja se vrednuje sa najmanje 240 ECTS studijskih bodova) ili drugog ili trećeg ciklusa Bolonjskog sistema studiranja, odnosno diplomu VII stepena stručne spreme, ekonomske ili pravne struke;
- potvrdu ili uvjerenje o potrebnom radnom iskustvu;
- certifikat ovlaštenog revizora (za kandidate ekonomske struke);
- ovjerenju izjavu da nisu pravosnažno osuđivani za krivično djelo i za prekršaj nespojiv sa dužnostima člana Odbora za reviziju, 5 (pet) godina od dana pravosnažnosti presude, isključujući vrijeme zatvorske kazne;
- ovjerenju izjavu da nisu lica kojima je pravosnažnom odlukom suda zabranjeno obavljanje aktivnosti iz nadležnosti Odbora za reviziju;
- ovjerenju izjavu da ne vrše funkciju u političkoj stranci;
- ovjerenju izjavu da nisu radnici zavisnih ili povezanih društava JP Elektroprivreda BiH d.d. - Sarajevo;
- ovjerenju izjavu da nemaju direktni ili indirektni finansijski ili drugi interes u Javnom preduzeću Elektroprivreda BiH d.d. - Sarajevo i zavisnim i povezanim društvima;
- ovjerenju izjavu da nisu na bilo koji način povezani sa direktnim ili indirektnim konkurentom JP Elektroprivreda BiH d.d. - Sarajevo i zavisnih i povezanih društava;
- ovjerenju izjavu da nisu zaposleni i da nisu angažovani na bilo koji način u institucijama, organima uprave ili privrednim subjektima koji vrše poslove kontrole i revizije poslovanja JP Elektroprivreda BiH d.d. - Sarajevo i zavisnih i povezanih društava.

Kandidati koji dostavljaju diplome strane visokoškolske ustanove dužni su u originalu ili ovjerenjnoj kopiji dostaviti i akt nadležnog organa u BiH o nostrifikaciji diplome u skladu sa propisima o visokoškolskom obrazovanju.

Kandidati su dužni u biografiji navesti podatke ili dostaviti odgovarajuće dokaze o ispunjavanju uslova koji se odnose na posjedovanje stručnih znanja vezanih za nadležnosti i rad Odbora za reviziju i način rada organa upravljanja privrednih društava.

JP Elektroprivreda BiH d.d. - Sarajevo zadržava pravo da za kandidate koji ispunjavaju uslove po ovom Konkursu kod nadležnih organa provjeri tačnost podataka datih u izjavama.

Prilikom predlaganja kandidata za izbor, odnosno imenovanje članova Odbora za reviziju, Nadzorni odbor će Skupštini JP Elektroprivreda BiH d.d. - Sarajevo, predložiti one kandidate koji su najkvalifikovaniji za vršenje funkcije u Odboru za reviziju.

Rok za podnošenje prijave je 15 dana od dana objavljivanja Javnog konkursa u dnevnim novinama „Dnevni avaz“ i web stranici Društva.

Kandidati su dužni dostaviti prijave sa potrebnom dokumentacijom, u zatvorenoj koverti lično ili putem pošte, na adresu:

JP Elektroprivreda BiH d.d. - Sarajevo
Sektor za kadrovske poslove
71000 Sarajevo
Vilsonovo šetaliste 15.
Sa naznakom „Javni konkurs za Odbor za reviziju“

Nepotpune i neblagovremene prijave neće se uzeti u razmatranje.

Kandidati će biti pisмено obavješteni o ishodu Javnog konkursa, a priložena dokumentacija se neće vraćati.